

ԳԵՑԱԿԱՆ ԽՐՈՆԻԿԱՆ

Գ. Ս. ԱՐՐԱՀԱՄԵԱՆ, Ռ. Ա. ՎԱՆՅԱՆ

ՀԱՅԿԱԿԱՆ ԱՇԽԱՐՀԱԳՐԱԿԱՆ ԸՆԿԵՐՈՒԹՅԱՆ ԵՐԿՐՈՐԴ ՀԱՄԱԳՈՒՄԱՐԸ

1970 թ. հունիսի 24-ից 26-ը Երևանում կայացավ Հայկական աշխարհագրական ընկերության 2-րդ համագումարը:

Բացման խոսքով, ՀՍՍՀ ԳԱ իոսպրեզիդենտ Ս. Ս. Մկրտչյանը ողջունեց համագումարը և նշեց, որ Ներկա 1970 թ. Հայկական աշխարհագրական ընկերությունը տոնում է իր 35-ամյակը: Անցած տարիների ընթացքում ՀԱԸ մեծ աշխատանք է կատարել աշխարհագրական գիտության մասնաշաղկապների և նոր հետազոտությունների ուղղությամբ: Ս. Ս. Մկրտչյանը հույս հայտնեց, որ Սովետական Հայաստանի տերիտորիայի գիտական աշխարհագրական հետազոտություններն այսուհետև ավելի կընդլայնվեն թե ԲՈՒՀ-երում ու գիտահետազոտական հիմնարկներում, և թե ՀԱԸ-ում: Իրա լավագույն առհավատչյալն է արդեն կատարված աշխատանքները և բարտեղագրական նոր լարորատորիայի կազմակերպումը:

Համագումարը մեծ ուշադրությամբ լսեց ՀՍՍՀ Պետությանի տնտեսագիտության ու պլանավորման ինստիտուտի ղեկավար, պրոֆեսոր Մ. Հ. Ադոնցի պեկուցումը «Հայկական ՍՍՀ ժողովրդական տնտեսության զարգացման հիմնական ուղղությունները և հանրապետության աշխարհագրագետների խնդիրները» թեմայով: Ինստիտուտում մշակվում է ՀՍՍՀ ժողովրդական տնտեսության և կուլտուրայի զարգացման կանխատեսումը 1980 և 2000 թվականների համար: Հանրապետության արդյունաբերության հիմնական ճյուղերից՝ էներգետիկան զարգանալու է ցերմային ու ատոմային էներգիայի մեծ տեսակարար կշռի պայմաններում: Արագ թափով զարգանալու են նաև գունավոր մետաղաձուլությունը, քիմիական ու մեքենաշինական արդյունաբերությունները: Տեղական բարձրորակ երկաթահանքի բազայի վրա կստեղծվի հանրապետության համար նոր՝ սև մետաղաձուլությունը: Գյուղատնտեսությունը պետք է ընթանա հողագործության ու անասնապահության բարձր ինտենսիվության ուղղությամբ: Ինստիտուտում կատարվում են նաև հաշվարկներ հեռանկարային այդ ժամկետների համար հանրապետության բնակչության աճի և զարգացման վերաբերյալ:

Հեռանկարային պլանավորման այդ աշխատանքներում մեծ անելիքներ ունեն մեր աշխարհագրագետները: Նրանք պետք է ավելի մանրամասն ուսումնասիրեն հանրապետության բնական պայմաններն ու բնական ուսուրսները, տան նրանց տնտեսական պահանջարկներ, ճշտեն տնտեսական շրջանների սահմանները, ուսումնասիրեն բնակչության տեղաբաշխման և միգրացիոն պրոցեսների պրոբլեմները և այլն:

Համագումարի առանցքային ղեկուցումներից էր ՀԱԸ պրեզիդենտ պրոֆեսոր Ա. Բ. Բաղդասարյանի ղեկուցումը «Աշխարհագրական գիտության պրոբլեմները և աշխարհագրական հետազոտությունները Սովետական Հայաստանում» թեմայով: Զեկուցողը նշեց սովետական աշխարհագրական գիտության զարգացման հիմնական ուղղությունները՝ աշխարհագրական թաղանթի և նրա առանձին բաղադրիչների բազմակողմանի ուսումնասիրությունը թե՛ վերլուծական և թե՛ սինթետիկ տեսակետից: Այդպիսի կոմպլեքս հետազոտությունները պահանջ են առաջադրում կիրառել ուսումնասիրությունների նոր մեթոդներ (մաթեմատիկական, քանակական և այլն), օգտագործել ուսումնասիրությունների մեջ նորագույն տեխնիկան: Սովետական աշխարհագրության զարգացման ուղղությունը իր արտահայտությունն է գտել նաև Հայկական ՍՍՀ աշխարհագրական ուսումնասիրություններում:

1958 թ.-ից սկիզբ դրվեց հանրապետության տերիտորիայի աշխարհագրական սիստեմատիկ ուսումնասիրություններին: Մեծ աշխատանք է տարվել հանրապետության կլիմայի ուսումնասիրությունների զեմով: Հրատարակվել են երկու խոշոր մենագրություններ, ինչպես նաև մի շարք աշխատություններ կլիմայի առանձին տարրերի և կլիմայական ու ագրոկլիմայական շրջանացման վերաբերյալ: Կատարվում են լանդշաֆտային խոշոր մասշտաբի ուսումնասիրություններ: Մեծ ուշադրություն է նվիրվում սողանքների, սելավների և լանջային այլ պրոցեսների ուսումնասիրությանը: Շուտով լույս կտեսնի հանրապետության ֆիզիկական աշխարհագրությանը նվիրված առաջին գիտական մենագրությունը (հայերեն լեզվով):

նշանակի իր աշխատանքներ էն կատարվում տնտեսական աշխարհադրության ուղղությամբ: Ձեռագոր կանգ առավ հատկապես հանրապետության տերիտորիալ-արտադրական համալիրին իր և արդյունաբերական հանգույցների ուսումնասիրությունների վրա: Նշեց ձեռագա-արտադրական զիջների մեթոդի ուղիս տնտեսական քարտեզագրման նոր մեթոդի կիրառման նշանակությունը: Մայրենի լեզվով հրատարակված է հանրապետության տնտեսական աշխարհադրությանը նվիրված մենագրությունը:

Հայկական ՍՍՀ աշխարհագրագետների աշխատանքներում որոշակի տեղ է զբաղում թեմատիկ քարտեզագրությունը: Հայկական ՍՍՀ ատլասի հրատարակումից հետո կազմվել են Սովետական Հայաստանի բնական պայմանների և բնական ռեսուրսների բազմաթիվ քարտեզներ: Դրանք մեծ կիրառություն են գտել պլանավորող և արտադրական կազմակերպությունների աշխատանքներում: Ավարտված է հանրապետության կլիմայական ատլասը: Նախապատրաստական աշխատանքներ են տարվում Սովետական Հայաստանի ազգային երկհատորանոց ատլասի ստեղծման ուղղությամբ: Անցած տարիներում լույս են տեսել հայերեն լեզվով աշխարհադրության դասագրքեր ու ձեռնարկներ ԲՈՒՀ-երի և դպրոցների համար: Կազմվում է տեղանվանագիտական բազմահատոր բառարանը:

Հանրապետությունում աշխարհագրական կրթության հարցերին նվիրված հատուկ զեկուցումով հանդես եկավ համագումարում ՀՍՍՀ բարձրագույն և միջնակարգ մասնագիտական կրթության մինիստր ՀՍՍՀ ԿՍ Թղթակից-անդամ Ա. Տ. Ասլանյանը: Նա նշեց, որ ժամանակակից գիտության և տեխնիկայի արագ զարգացումը պահանջ է առաջադրում վերակառուցել բնական գիտությունները: Բուսուցման սխեման: Միջնակարգ դպրոցում անհրաժեշտ է ուժեղացնել աշխարհագրության ուսուցումը, վերանայել ուսումնական ծրագրերը և ձեռնարկները: Անհրաժեշտ է ուժեղացնել աշխարհագրական կադրեր պատրաստող ֆակուլտետների գիտատեխնիկական բազան, լայնորեն ներգնել հաշվողական տեխնիկան:

ՀՍՍՀ բնական պայմանների և բնական ռեսուրսների աշխարհագրական ուսումնասիրության ու պնա ատման արդի պրոբլեմները զեկուցումով հանդես եկավ աշխարհագրական գիտությունների զեկտոր է. Հ. Վալեսյանը: Նա կանգ առավ հատկապես տերիտորիայի՝ որպես բնական ռեսուրսի զնահատման հարցի վրա: Առաջարկեց զնահատել տերիտորիայի որակական հատկանիշները, որոնք որոշվում են մորֆոլոգիական, մորֆոմետրիական, ինժեներա-երկրաբանական և այլ առանձնահատկություններով: Ձեկուցման մեջ փորձ է արվում տալ բնական ռեսուրսների առանձին խմբերի որակական և քանակական բնութագրությունը:

Ընկերության 964—1970 թթ. գործունեության մասին հաշվետու զեկուցումով հանդես եկավ գիտաբարոտուղար Ռ. Հ. Վանյանը: Հաշվետու տարիներում ընկերության աշխատանքներում կարևոր տեղ են զբաղում աշխարհագրական գիտության պրոբազանդումը մասանների շրջանում, շրջանային բաժանմունքների ստեղծումը և ամրապնդումը, ինչպես նաև գիտահետազոտական ու քարտեզագրական աշխատանքները: Նշվեց, որ մինչև 50-ական թվականները ընկերության գործունեության մեջ զերակշռել է գիտության պրոպագանդան, իսկ հետագայում, կապված աշխարհագրական բաժնի ստեղծման հետ, նաև՝ գիտահետազոտական և քարտեզագրական աշխատանքները:

Ընկերության ապարատի աշխատողների միջոցով կազմակերպվել են ֆենոլոգիական, լանդշաֆտագիտական և ագրոկլիմատական թեմատիկ ուսումնասիրություններ: Պատրաստ է տպագրության հանրապետության ֆենոլոգիական օրացույցը և աշխարհագրական անունների բառարանի 2-րդ, լրացված հրատարակությունը:

Ճարրեր հիմնարկ-ձեռնարկությունների պատվերով պայմանագրային կարգով կատարվել են բազմաթիվ քարտեզագրական և գիտահետազոտական աշխատանքներ: Ընկերության միջոցառումների շնորհիվ հանրակրթական դպրոցներում ծավալվել են հայրենագիտական ուսումնասիրություններ, կազմակերպվել են հայրենագիտական դպրոցական թանգարաններ և բազմաթիվ խմբակներ: 1970 թ. հունվարին հրավիրվեց Հայրենագիտական հանրապետական առաջին գիտապրակտիկ կոնֆերանսը, որի նյութերը պատրաստվում են տպագրության:

Ձգալի չափով հարստացել է ընկերության գրադարանը մասնագիտական դրքերով, ժողովածուներով, քարտեզներով, ատլասներով:

Կազմակերպչորեն ամրապնդվում են ընկերության 31 շրջանային բաժանմունքները, որոնք վերջին 3 տարվա ընթացքում ընկերության շարքերն են ընդունել մոտ 569 անդամ: Այդ բաժանմունքներին օգնություն և օժանդակություն գույր տալու գործում մեծ են ընկերության սեկցիաների անելիքները:

Համագումարը լսեց նաև ընկերության վերստույգի հանձնաժողովի նախագահ Գ. Ս. Արրահամյանի հաշվետու զեկուցումը: Անցյալ հնգամյակում ևս Հայկական աշխարհագրական ընկե-

րության գործունեությունն ընթացել է աշխարհագրական դիտելիքների պրոպագանդան ու տարածման, բարձրագույն և մանավանդ դպրոցական աշխարհագրության կրթությանն օժանդակելու և գիտահետազոտական աշխատանքների ուղղություններով: Վերջին տարիներին գիտահետազոտական աշխատանքների ծավալը ավելի է մեծանում և տրամադրված ֆինանսական միջոցները մ տարվա ընթացքում աճել են, միայն բյուջետային հատկացումների զծով, ավելի քան երեք անգամ:

Գիտահետազոտական աշխատանքները կատարվում են հաստիքային երկու կրտսեր գիտաշխատողների և գիտքարտուղարի կողմից: Դրանց արդյունքներն են հանդիսացել երեք դիսերտացիաներ, որոնցից մեկը հանձնված է պաշտպանության, մեկը՝ պատրաստ է ներկայացվելու:

Ընկերության նախագահությանը կից գործում են 14 առանձին սեկցիաներ և հանձնաժողովներ: Պետք է նշել, որ դրանց մի մասը գործում է ոչ սխեմամատիկ: Համեմատաբար լավ են կազմակերպված աշխատանքները ֆիզիկական աշխարհագրության, ջրաօդերևույթարանական, բլծրչկական աշխարհագրության, հայրենագիտության և տուրիզմի սեկցիաներում, ինչպես նաև տուրիզմիկայի և աշխարհագրական գիտական տերմինոլոգիայի հանձնաժողովում: Սեկցիաների աշխատանքների անրավարար ղրվածքը բացատրվում է գիտխորհրդի թույլ հսկողությամբ:

Ընկերության անդամների մոտ 20%-ը գիտաշխատողներ են, ըստ մասնագիտությունների՝ ճնշող մեծամասնությունը աշխարհագրագետներ, կսն նաև երկրաբաններ, կենսաբաններ, պատմաբաններ, տնտեսագետներ և այլն: Վերջին տարիներին մեծ աշխատանք է կատարվել նոր անդամների ընդգրկման ուղղությամբ: Առանձնապես պետք է նշել շրջանային բաժանմունքների կազմակերպումը: Այդ բաժանմունքների մեծ մասը դեռևս նոր է և անհրաժեշտ է ավելի մեծ ուշադրություն նվիրել դրանց:

Ընկերությունը վերջին տարիներին որոշակի հաջողություններ ունի հրատարակչական աշխատանքների ուղղությամբ, որն անհրաժեշտ է ավելի ուժեղացնել: Զունենք բնության երևույթները և հանրապետության բնական հուշարձանները մասայականացնող գրավոր և պատկերազարդ հրատարակություններ:

Ընկերությունը կազմակերպում է նաև դաշտային ուսումնասիրություններ, թե ինքնուրույն և թե մասնակցելով, իրեն պլանով, աշխարհագրության բաժնի արշավախմբերին: Մեծ աշխատանք է կատարվել տեղերում կամավոր ֆենդոգ դիտողների մի սավար խումբ ստեղծելու ուղղությամբ:

Սերտ կապեր են հաստատված Սովետական միության, ինչպես նաև արտասահմանյան շատ երկրների աշխարհագրական ընկերությունների հետ:

Մեծ աշխատանք է կատարել գրադարանային խորհուրդը գրքային ֆոնդի հաշվառման, կանոնավորման ու լրացման ուղղությամբ: Դրա շնորհիվ համեմատաբար լավ է գրքային ֆոնդի օգտագործումը ընկերության անդամների և ոչ անդամների կողմից: Այնուամենայնիվ գրադարանային սպասարկումը խիստ դժվարանում է շենքի բացակայության պատճառով: Այդ հարցը ընկերության աշխատանքներում տեղ գտած թերություններից կարևորագույնն է:

Ընկերության ֆինանսական միջոցները կազմվում են բյուջետային հատկացումներից և պայմանագրային ու հատուկ դումարներից: Բյուջետային հատկացումները հաշվետու ժամանակամիջոցում աճել են երկու անգամ և ընթացիկ տարում կսզմել են մոտ 14 հազ. ո. Պայմանագրային դումարները յուրաքանչյուր տարի փոփոխվում են, սակայն 15—20 հազ. ո. պակաս չեն լինում: Ընդհանուր առմամբ, ընկերության ֆինանսական վիճակը բավարար է և հնարավորություն է ընձևոում կատարելու պլանով նախատեսվող աշխատանքները:

Հայկական աշխարհագրական ընկերության գործունեությունն էլ ավելի բարձր հիմքերի վրա դնելու համար անհրաժեշտ է՝ Հայկական ՍՍՀ ԳԱ Նսխագահության միջոցով լուծել ՀԱՀ շենքի՝ հատկապես գրադարանի հարցը: Ավելի նպատակասյուց դսրձնելու տեղական կազմակերպությունների գործունեությունը դպրոցական աշխարհագրության և հայրենագիտության ուղղություններով: Արմատապես վերակառուցել սեկցիաների և հանձնաժողովների աշխատանքները, նրանց դարձնելով ընկերության գործունեության հիմնական օղակները: Ընկերության հրատարակչական գործունեությունը կարելի է ընդլայնել, ամփոփելով առաջին հերթին սեկցիաներում կատարվող աշխատանքները: Ցանկայի է լույս ընծայել ոչ միայն պարբերական գիտական ժողովածուներ:


Աշխարհագրական գիտությունների թեկնածու Ա. Ա. Ասլանյանի զեկուցումը նվիրված էր հայ խոշոր աշխարհագրագետ, բանաստեղծ և պատմաբան Ղևոնդ Ալիշանի ծննդյան 150-ամյակին: Զեկուցողը համառոտակի բնութագրեց Ալիշանի կյանքի և գիտական գործունեության հիմնական ղրվագները:

Հայկական աշխարհագրական ընկերության երկրորդ համագումարում աշխույժ քննարկման ենթարկվեցին կարդացված զեկուցումները, հատկապես աշխարհագրական ուսուցման և կադրերի պատրաստման հարցերը:

Համագումարն ընտրեց Նոր Գիտական խորհուրդ 25 անդամներից: Ընկերության պրեզիդենտ, վերընտրվեց պրոֆեսոր Ա. Ռ. Բաղդասարյանը:

ՀՍՍՀ ԳԱ Ներկայացրած գիտությունների ինստիտուտ

Ստացված է 26. XI. 1970



Технический редактор Л. А. АЗИЗБЕКЯН

ВФ 03570. Подписано к печати 29 VI 1971 г. Тираж 1035 экз. Изд. 3546. Заказ 136.
Формат бумаги 70×108¹/₁₆. Печ. л. 6,25. Бум. л. 3,13. Усл. печ. л. 8,75.
Уч. изд. л. 7,27

Типография Издательства АН Армянской ССР, Ереван Бареканутян, 24